



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 59. Joannes Capistranus in Germaniam a Papa prædicatum missus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. & discrimina inter Catholicos, ac Hussitas spectantibus. A.C. 1451. Visum est Æneæ, Podiebracium viam concordiae & unitatis Ecclesiae Romanæ minime aspernari; verum studiose quamdam simulatæ Religionis speciem induit ambitiosus ille Regni Moderator, ut eo securius coronam Bohemiae occupare valeret, quam in pace sese tueri haud posse optime noverat, nisi ad Ecclesiae sinum rediret. Eodem quoque fictæ religionis zelo postmodum totam Taboritarum sectam exterminavit.

*Cochl. hist.
Hussit. l. 10.*

Sæpe Æneas etiam collocutus fuerat cum Doctoribus Taboritarum de auctoritate, & infallibilitate Ecclesiae; parum tamen profecit apud eos, ut potius omnem spem populi hujus non barbari minus, quam rudis Ecclesiae reconciliandi abjecerit. Narrat Cochlæus, quod eodem tempore immaniter sæviente ibidem pestilentia, cum Catholici morbo correpti venerabile Sacramentum Corporis Christi sibi ministrari efflagitarent, per Sacerdotes Hussitas compulsi fuerint ad communionem sub utraque specie, reluctantibus vero sepultura Ecclesiastica fuerit denegata.

§. LIX.

Joannes Capristanus in Germaniam a Papa prædicatum missus.

Sub idem tempus missus est in Germaniam

niam a Nicolao Papa Joannes de Capi-
 strano FF. Minorum Religiosus, hæreti-
 corum conversioni operam navaturus.
 Erat olim S. Bernardini Senensis discipu-
 lus, & Magistri sui vestigiis insistens to-
 tum se Dei Verbo prædicando dedit. Au-
 ctor itidem ferme præcipuus extiterat
 belli Sacri adversus Fratricellos instituti,
 qui suos errores per totam Campaniam
 Romanam, & Marchiam Anconitanam
 spargebant, ex quibus triginta sex ad ro-
 gum fuere damnati. Excipiebatur e-
 tiam in Germania summo cum applausu,
 festivisque acclamationibus ut Sedis A-
 postolicæ Nuncius; & Casimirus Polo-
 niæ Rex summis precibus Virum ad se
 pro reducendis Lithuanis a Græcorum
 schismate, quo implicabantur, accerse-
 bat. Zelo Missionis inflammatus, ipsam
 quoque peragravit Moraviam, ubi ma-
 gnam Hussitarum copiam ad orthodoxam
 fidem reduxit. Ast Rochisana, qui, A-
 postolicis licet destitutus literis, Pragen-
 sem Archiepiscopum agebat, varias eum
 criminandi occasiones aucupatus est; ve-
 rebatur enim, ne sectarii sui omnes per
 Capistranum ad sinum Ecclesiæ revoca-
 rentur, eo quod jamjam quatuor millia &
 amplius ad veram fidem rediissent.

Sæcul. XV.
 A.C. 1451.

En. Sylv.
epist. 405.

Michov. l. 4.
6. 59.